

東華續錄

乾隆七十五

臣王先謙敬編

臣周澗
繪蕃恭校

乾隆三十七年壬辰春正月庚子諭朕稽古右文事資治理幾餘
典學日有孜孜因思策府縹緲載籍極博其鉅者羽翼經訓垂範
方來固足稱千秋法鑒卽在識小之徒專門撰述細及名物象數
兼綜條貫各自成家亦莫不有所發明可爲游藝養心之一助是
以御極之初卽詔中外搜訪遺書並命儒臣校勘十三經二十一
史徧布鬻官嘉惠後學復開館纂修綱目三編通鑑輯覽及三通
諸書凡藝林承學之士所當戶誦家弦者旣已薈萃略備第念讀
書固在得其要領而多識前言往行以畜其德惟蒐羅益廣則研
討愈精如康熙年間所修圖書集成全部兼收並錄極方策之大

東華續錄

乾隆七十五

觀引用諸編率屬因類取裁勢不能悉載全文使閱者沿流溯源
一一徵其來處今內府藏書插架不爲不富然古今來著作之手
無慮數千百家或逸在名山未登柱史正宜及時採集彙送京師
以彰千古同文之盛其令直省督撫會同學政等通飭所屬加意
購訪除坊肆所售舉業詩文及民間無用之族譜尺牘屏幃壽言
等類又其人本無實學不過嫁名馳驚編刻酬唱詩文瑣碎無當
者均無庸採取外其歷代流傳舊書內有闡明理學治法關繫世
道人心者自當首先購覓至若發揮傳註攷覈典章旁暨九流百
家之言有裨實用者亦應備爲甄擇又如歷代名人洎本朝士林
宿望向有詩文專集及近時沈潛經史原本風雅如顧棟高陳祖
范任啟運沈德潛輩亦各著述成編並非勦說卮言可比均應彙
行查明在坊肆者或量爲給價家藏者卽彙令進呈其有未經鐫

刊止係鈔本存留者不妨繕錄副本仍將原書給還並嚴飭所屬一切善爲經理毋使吏胥藉端滋擾但各省蒐輯之書卷帙必多若不加之鑑別悉令呈送煩複皆所不免著該督撫等先將各書敘列目錄注係某朝某人所著書中要指何在簡明開載具摺奏聞候彙齊送令廷臣檢覈有堪備閱者再開單行知取進庶幾副在石渠用儲乙覽從此四部七略益昭美備稱朕意焉○辛丑免奉天錦州二府額徵米豆○免浙江玉環海甯兩廳額徵錢穀○免山西大同等二府額徵兵餉米豆穀麥並太原等十四府州及歸化城各屬十分之三○千寅桂林等奏僧俗宗距賊巢不遠爲赴美諾必由之路賊層列堅礮占據要隘臣等見分兵截取卡了一經得手卽籌勦此路至前繪地圖止就賊緊要處黏籤茲復詳繪呈覽再喇嘛寺西南兩面俱懸崖峭壁寺旁東向墨爾多山經

該曾封禁應飭官兵伐木縱火闢清山徑寺北山後間道險仄難行距甲木十餘里中隔郭松寨見在巴朗拉達木巴宗等處俱經攻獲雖南路兵力未裕賊當窘迫諒不能爲掩襲計因與朱元俊等籌畫密抽附近各隘兵剋期進剿得旨所見俱合機宜佇俟佳音當乘機速入擒獲逆賊也○癸卯諭楊廷璋久任封疆老成歷練前因其年逾八旬畿輔事務殷繁恐未能鉅細周到是以用爲刑部尚書見其精力尙未頹邁於部務自可從容經理乃於去年偶感風痰遽茲溘逝深堪軫惜著加恩晉贈太子太保所有應得卹典著該部察例具奏尋予祭葬諡勤愍○以崔應階爲刑部尚書嘉謨著漕運總督

山江南河庫道署

○乙巳諭諸穆親著來京陛見雲

南巡撫員缺著李湖前往署理其貴州巡撫印務著圖思德暫行獲理○諭軍機大臣等昨據彰寶奏諾穆親爲人識見才具不能

展布開拓每日惟專心於案牘簿書到任後從未一離省城卽兵制營伍亦未校閱等語所奏甚是尙嫌其入告已遲諾穆觀本一拘謹之人前爲司道時尚能黽勉供職及令署理巡撫屢形竭蹶其才具自難勝封疆重寄見已令其來京陛見李湖向來辦事頗能認真自擢任黔撫以來經理諸務更屬妥協滇省地處邊圉巡撫一席較黔省尤爲緊要已有旨著李湖前往署理其貴州巡撫印務令圖思德暫護李湖接奉諭旨後可卽前赴滇省諸凡加意整飭至於該省營制當積習委靡之俗尤宜時加整頓昨已降旨令巡撫將督提各標代爲巡查考覈李湖到任後卽遵旨妥協辦理勿拘牽成例少存畛域之見其銅廠鹽井尤滇省要務更當實力調劑清釐李湖務益加奮勉副朕委任至意著將此傳諭知之

○溫福等奏曾頭溝爲小金川後戶奉旨命與桂林酌從開道進

兵夾擊以掣賊肘查斯底葉安一帶見已攻破與未過巴朗拉時情形迥異曾頭溝一路有兵擣其後戶直取底木達及布朗郭宗則美諾不能守於事有益總兵書明阿帶圖原兵一千名已抵維州臣等一面咨會桂林一面行知書明阿令帶兵速赴曾頭溝並令副將色倫泰領西甯兵一千徑抵沃克什一帶俟臣等攻抵美諾覓道往迎桂林其貴州兵二千陝西兵一千札知桂林令趨赴約咱接濟得旨是○丙午諭宋元俊自隨征小金川以來屢著勞績已節經加恩擢用總兵今據桂林等奏攻克卡了情形宋元俊甚爲奮勉著賞戴花翎以示獎勵都司李天佑亦甚勇往並令桂林遇有副參缺出越次奏補其餘在事出力之滿漢官弁均著查明交部議敘○戊申諭軍機大臣等據桂林奏攻克郭松甲木情形連得險隘礮卡擬卽乘勝訊擣賊巢甚爲奮勉溫福前奏斯底

葉安山口賊洞已經攻破統兵圍攻資哩諒亦計日可得從此兩路夾擊實有破竹之勢逆渠自可迅速就擒但須豫爲設法防截勿令其畏懼逃入金川又煩申討方爲妥善僧格桑就獲後卽當在軍營嚴加刑訊凌遲示衆仍傳旨曉諭使諸番怵目警心共知畏懼設或澤旺此時將逆子僧格桑擒獻亦不可稍存姑息實宥蓋小金川乃內地土司豈宜如此跳梁梗命若澤旺擒獻逆子在官兵未進之前或可原於格外今賊衆竟敢抗拒官兵顯然叛逆不但僧格桑寸磔難免卽澤旺亦應緣坐駢誅之犯或念彼向爲逆子所拘不能自主姑可貸其一死但不宜仍留小金川之地卽移之成都尙恐其信息易通久或滋生事釁莫若卽將澤旺檻送進京派員沿途嚴行管束毋致疏懈至該處番衆則照黔省古州之例改作屯兵令其耕作自食不必官爲給餉養贍仍移設同知

一員駐轄之久則漸與內地編氓無異自可永除後患而自打箭
鑪至巴朗拉一路並照節次諭旨於章谷設鎮駐兵並於僧格宗
達木巴宗等處酌設副將參將而約甸等隘則量設守備帶兵駐
守使內地鎮營聯絡聲息相通且將土司地界從中隔斷是我得
控制之勢而金川弭伺之端方爲一勞永逸溫福等於軍務告
竣卽行妥辦籌議具奏○辛亥諭軍機大臣等溫福奏見在圍困
奢哩尙未能得手賊人俱藏匿洞內施放槍礮若覘於進攻恐兵
丁或有損傷等語所見甚是奢哩離賊巢甚近賊衆自必悉力守
拒官兵攻擊自不可輕率卽稍遲時日亦屬無妨今早據桂林奏
已攻得卡了東北山梁彌卡五處見在攻取達烏攻得後自可卽
攻僧格宗該處亦偏近賊巢兩路夾擊賊酋更自難於抵禦計書
明阿王萬邦所帶之陝黔官兵將次可抵兩處軍營官兵續有增

添聲勢愈壯且乘此新勝銳氣自必倍加奮勇勦擊賊寨無難但
加兵嚴密攻圍絕賊水道糧道賊衆勢將自潰惟在溫福等相機
勉力爲之若僧格桑竄入金川而索諾木竟敢抗不擒獻必當移
兵申討卽令豫選之銳健火器兩營勁旅迅速起程卽或更須添
調鄰省綠營精兵亦無不可果能並滅金川實一勞永逸之計朕
亦斷不惜費昨歲已撥餉一百萬兩解往備用將來並不妨再添
撥三百萬兩見諭戶部查議另降諭旨此時部庫所積多至八千
餘萬朕每以存積太多爲嫌天地生財止有此數今較乾隆初年
已多至一半有餘朕實不欲其多聚若撥發外省公事動用稍減
盈積之數亦屬調劑之一端將此意亦令溫福等知之○癸丑建
烏嚕木齊城駐兵屯田○丙辰桂林奏督兵齊集甲木台攻噶爾
金共破大小碉十二石卡七賊逃回東山梁屯踞其甲木山後小

路賊布卡甚密不能繞越進攻見與宋元俊密商探明可繞達烏
南抵僧格宗路設法分路進剿得旨欣慰覽之益當奮勇前進想
續增之兵亦當至營軍勢加勁自當剋日擒獲兇渠付待捷音也
○辛酉諭軍機大臣等汪林奏十一十二兩日賊番俱繞山梁而
來潛圖偷劫經官兵奮力擊敗前派兵設伏邀截所辦俱合機宜
至所稱對仗時令土兵留心瞭望大半皆係金川番眾並見有金
川頭人額諾等語昨據溫福奏拏獲賊犯沙拉訊係金川勒烏圖
人並供金川派兵約七百餘令頭人帶領相助小金川等語是兩
路軍營俱有賊兵自山梁潛來偷奪如出一轍必係金川之人暗
爲指使其情甚爲可惡金川賊眾既爲小金川出力抗拒或於兩
路潛派賊兵截我之後以阻臺站餉道皆不可不防今陝甘兵已
據溫福奏正月十五日可到軍營而貴州兵亦據王萬邦報稱十

二月二十六日已抵成都正月二十左右可至桂林處是兩路續添官兵聲勢甚壯正可合力夾擊橋穴擒渠並各選派勇幹弁兵在後路嚴密防禦毋致賊人逞其伎倆最關緊要至我兵見攻之資哩僧格宗兩路均係小金川要隘金川助惡之兵更由何路徑赴賊勦則賊衆潛趨美諾之東蹤恐卽爲逆酋將來竄往金川之去路不可不調問明確豫爲伏兵堵截以防僧格桑之脫走方爲妥協至於索諾木竟敢顯然助惡更不必慮其知覺生疑此時若仍佯爲不知轉使賊人隱爲得計自應作爲桂林之意派明幹之人前往金川檄諭索諾木以僧格桑抗違教約侵占鄰疆及至官兵壓境尙敢率衆抗拒罪在不赦至爾金川本係無罪之人卽與僧格桑誼屬姻親原無緣坐之例且自爾父郎卡投誠以來承受大皇帝恩惠二十餘年今我兵攻勦小金川擒捕逆犯罪有所歸

與爾金川無涉乃昨在卡了山梁望見小金川賊衆內竟有爾金川頭人在彼率衆相助而大兵所獲賊番沙拉訊係爾金川之人並供金川派兵七百頭人二名往助小金川之語則是爾金川竟顯與小金川黨惡甚爲非是並據沙拉供爾譚頭人止令看守山梁不令與官兵打仗今看此光景爾兵既至小金川卽屬助逆是爾自譖詭狡其實至愚爾索諾木悖理妄行至此非惟無益於人並且貽害於己實爲自取罪戾本督部堂念爾父郎卡向來恭順奉法不忍遽行聲罪致討特差員弁齎檄傳諭爾索諾木奉到檄示之後若卽將派助小金川兵衆迅速撤回並將所占革布什咱之地盡行退還或僧格桑畏罪逃入金川卽行擒獻則平定小金川以後源可不波及金川仍得保守土境樂業安居爾若執迷不悟則勦滅小金川之後卽使移兵問罪見在各省精兵數萬已集

軍營前選發八旗勁旅數萬合力攻擊小金川卽爾榜據官兵所至勦洗無遺彼時悔無及矣特爲明切檄諭利害爾自擇之如此傳檄旣可使其知所儆畏並可覘其舉動若何以便相機辦理但所遣之人須擇明曉大義勇敢可任令其前往於事方爲有益如索諾木敢於抗違則勢難中止又莫若早爲籌辦桂林卽當據實具奏便可令京兵迅速起程赴川及早集事計汪鵬龍所帶之添調陝甘兵三千名二月初旬外亦可至桂林軍營足資攻勦金川之用若如桂林前此之咨令停止陝甘兵丁一節未爲得當今亦不深責也至量谷一帶旣已札致阿爾泰嚴加防範甚中肯綮其餘有似此應行防守之處並宜一體留心○壬戌諭前於乾隆三十一年丙戌科會試曾降旨分別挑選各省舉人以疏壅滯閱今已逾六載業經加恩降旨於本年春闈後照例舉行但思前次挑

選所有新中舉人不應遽行入選者止扣除切近兩科而派出之王大臣等於驗看時多取年力精壯之人是入選者仍係近科舉人爲多其科分較陳者仍致艱於與列豈朕設法疏通本意自應再爲參酌使官人造士並得其中方爲允協今計切近兩科如庚寅辛卯年分竟與本年直接卽推溯至戊子乙酉兩科距今亦不過五年七年舉子半屬年富力強所應科分未久自會試中式以及中書學正學錄及教習膳錄等項皆可資以進身較之乾隆初年舉人嚴計懸隔三十餘年者實屬相去霄壤柴子甄錄甚非情理之平此次挑選著將乙酉戊子庚寅辛卯四科舉人均行扣除王大臣等就應挑各科舉人內量其鄉科較深而人才出色可用者列入一等以備分發各省試帑俾得及鋒自效無憾久淹其科深而才力不至近衰堪勝司鐸之任者卽予列入二等以教職銓

選補用俱照例引見候旨定奪其按省酌定人數俱照上屆例行此朕愛惜士子慎重官方不得已調劑之苦心在歷試場屋者既不致坐傷遲暮可以乘時報稱其初登鄉薦者亦宜安於資序本淺當知上進有階自不應希心速化於廣勵士風之道尤有裨益該部卽遵諭行○癸亥歲上年因永定河北運河等處遇夏秋雨水過多每不免於漫溢宜急籌修治宜洩之方以杜後患特派高晉張曰修會同總督周元理履勘覈辦業允所請發帑興修見在春和水泮正屆開工之期自應及時經理興作但此兩河應辦工段極爲繁重所派承辦之員甚多動用錢糧亦大必須逐一妥協稽覈庶工程得歸實用周元理一人耳目恐難徧及且該督有地方之責亦未必能常至河干著尙書張曰修前往協同周元理將一應修濬工程及支銷錢糧等事董率各員妥辦實力稽查奏曰

修仍不時往來其間悉心欽助務使大工迅速告成永資恬輦

二月丙寅諭昨據御史富爾敏奏嗣後揀發人員請照驗看月官之例派出科道一同揀發一摺所奏非是各省奏請揀發人員經朕特派大臣遴選帶領引見原係隨時辦理之事與驗看月選人員例派九卿科道者不同況驗看月官一事自朕臨御三十七年以來從未見科道等有將大臣驗看不公據實糾參者是特奉行成例難期實濟已可槩見若揀發人員已派大臣而復令科道隨班監察事出分歧既於政體未協儻因各省請發奏到交部開列科道銜名辦理徒費紆回否則科道人數眾多朕又安能一一記憶爲之從中簡派乎朕辦理庶政止期務實若此等專事空名無裨國是實所不取恐中外不喻朕意將此通諭知之○諭軍機大臣等據伍岱參奏烏什哈達馬彪不遵號令請一併革職令其效

力贖罪溫福摺內又稱烏什哈達私離汎地卽欲辦理烏什哈達
隨帶兵復往占據山峰等語伊等不遵將軍號令固不得謂之無
罪但溫福卽欲辦理烏什哈達亦覺過當烏什哈達理應看守所
占之處遣兵寄信溫福不應將兵帶回此其罪也但烏什哈達從
前已曾攻_回奪卡今棄山岡而能復行占據亦可以抵罪烏什哈
達馬彪俱著加恩革職留任令其出力自贖溫福平時口吃任朕
前奏事尙不能達其意性又頗露急躁官兵不知其如此必謂將
軍性暴兵衆難堪又因不能卽克地方中心煩躁不論地險雪深
一味催迫官兵如此辦理恐失軍心不可不戒也再行軍之道固
當嚴肅亦應審擇地勢酌量能行而復進若不惜兵力不論地之
險阻惟知勇往直前恐於軍事反無所益數年以來凡臨陣退縮
者朕必治罪然於山險雪深難於進攻之處豈不害不愛惜官兵